

ՎԱՐՁԱԿԱԼՈՒԹՅԱՆ ՊԱՅՄԱՆՆԵՐ

1. Նախնական դրույթներ

- 1.1. Այս փաստաթղթում ավտոմեքենաների վարձակալություն տրամադրողը համարվելու է **Վարձատու**, իսկ նրա ծառայություններից օգտվելու համար դիմողը՝ **Պատվիրատու**:
- 1.2. Ավտոմեքենաների վարձակալության և մյուս ծառայությունների պատվերները ցանկալի է կատարել նախօրոք: Պատվերներն ընդունվում են ինտերնետային էջի, հեռախոսազանգի կամ \$աքսի միջոցով, ինչպես նաև մեր գրասենյակում:
- 1.3. Ընդհանուր առմամբ, Ավտոմեքենաների **ամրագրումը** կատարվում է առանց կանխավճար պահանջելու, սակայն որոշ դեպքերում **Վարձատուն** կարող է **Պատվիրատուից** պահանջել կանխավճար կամ լրացուցիչ տեղեկություններ **ամրագրման** համար:
- 1.4. Ակրիտի, թմրանյութի, հոգեմետ կամ ինքնազգացողության վրա վնասակար ներգործող դեղերի ազդեցության տակ գտնվող անձինք չեն կարող կնքել Վարձակալության պայմանագիր և վարել Ավտոմեքենա:

2. Պատվիրատուի պարտավորություններն ու իրավունքները

- 2.1. **Պատվիրատուն** պարտավոր է ստույգ տվյալներ ներկայացնել պատվերը ձևակերպելիս եւ տվյալների հետագա փոփոխությունների մասին **Վարձատուին** տեղյակ պահել ծառայության մատուցումից առնվազն 5 օր առաջ:
- 2.2. Ավտոմեքենան համարվում է **Պատվիրատուի** կողմից **ամրագրված**, եթե առկա է **Վարձատուի** կողմից տրված գրավոր հաստատումն այդ մասին կամ կնքված է պայմանագիր Ավտոմեքենայի ամրագրման մասին: Ավտոմեքենան համարվում է **վարձակալված**, եթե գործողության մեջ է երկկողմանի կնքված Վարձակալության պայմանագիրը:
- 2.3. **Ամրագրված** Ավտոմեքենայից հրաժարվելու կամ վարձակալության սկզբնաժամկետը հետաձգելու դեպքում **Պատվիրատուն** որևէ տուգանք չի վճարում, եթե այդ մասին գրավոր տեղեկացրել է **Վարձատուին** վարձակալության սկզբնաժամկետից հաշված 48 ժամ առաջ: Հակառակ դեպքում **Պատվիրատուն** վճարում է տուգանք՝ **վարձակալության 1 օրվա գնի** չափով:
- 2.4. Վարձակալված Ավտոմեքենան ընդունելու պահից **Պատվիրատուն** (կամ այն անձը ով պայմանագրով ստանձնում է **ամրագրված** Ավտոմեքենայի վարձակալության ողջ պատասխանատվությունը) համարվելու է **Վարձակալ**, իսկ Ավտոմեքենան վարողները՝ **Վարորդներ**:

3. Վարձակալի/ Վարորդի պարտավորություններն ու իրավունքները

- 3.1. **Վարձակալը** պետք է լինի 22 - 70 տարեկան և ունենա առնվազն 2 տարվա վարորդական փորձ՝ վարձակալության պայմանագիրը ստորագրելու համար:
- 3.2. Ավտոմեքենայի վարձակալության ողջ պատասխանատվությունը ստանձնում է **Վարձակալը**:
- 3.3. Ֆիզիկական անձանց դեպքում վարձակալության պայմանագիրը ստորագրելիս **Վարձակալը** պետք է ներկայացնի վավեր վարորդական իրավունքի վկայական, վավեր անձնագիր (կամ ID card) և գրավի գումարի տրամադրման հնարավորություն (բանկային քարտով սառեցնելու, կանխիկ վճարելու միջոցով) կամ "սուպեր ծածկույթ" հավելավճար մուծելու հնարավորություն (մանրամասները՝ 7.2 – 7.5; 8.9 կետերում):
- 3.4. Իրավաբանական անձանց դեպքում վարձակալության պայմանագիրը ստորագրելիս **Վարձակալը** պետք է ներկայացնի լիազորագիր պայմանագիրը կնքող կազմակերպության կողմից, լիազորված անձի անձնագիրը և վավեր վարորդական իրավունքի վկայական:
- 3.5. **Վարձակալն** իրավունք չունի ենթավարձակալության հանձնել վարձակալված Ավտոմեքենան:
- 3.6. Չնայած Ավտոմեքենայի վարձակալության ողջ պատասխանատվությունը ստանձնում է **Վարձակալը**, այնուամենայնիվ, եթե վարձակալած Ավտոմեքենան վարելու են **Վարձակալից** տարբեր այլ **Վարորդներ**, ապա նրանք նույնպես պետք է ստանան Ավտոմեքենան վարելու իրավունք **Վարձատուի** կողմից (այդ մասին հատուկ նշվում է վարձակալության պայմանագրում): Առանց **Վարձատուի** թույլտվության **Վարձակալն** իրավունք չունի Ավտոմեքենայի վարման իրավունք տալ որևէ այլ անձի:
- 3.7. Եթե վարձակալած Ավտոմեքենան վարելու են **Վարձակալից** տարբեր այլ **Վարորդներ** ապա նրանք նույնպես պետք է լինեն 22-70 տարեկան, ունենան առնվազն 2 տարվա վարորդական փորձ և ներկայացնեն վավեր վարորդական իրավունքի վկայականներ: Յուրաքանչյուր լրացուցիչ վարորդի վարման իրավունք տալու համար գանձվում է լրացուցիչ գումար:
- 3.8. Վարձակալված Ավտոմեքենան վարելիս **Վարորդը** պարտավոր է պահպանել ճանապարհային երթևեկության կանոնները: Վարորդը պատասխանատու է խախտումների համար նախատեսված տուգանքների վճարման համար: **Վարորդը** Ավտոմեքենան պետք է կայանի կայանման համար թույլատրվող տարածքներում, կայանելիս փակի Ավտոմեքենայի դռներն ու բեռնախցիկը, միացնի հակաառևանգման համակարգը և Ավտոմեքենայում չթողնի նրա բանալիներն ու փաստաթղթերը: Բանալիներն ու փաստաթղթերը պետք է լինեն **Վարորդի** մոտ և նրա մշտական հսկողության տակ: Ավտոմեքենայի առևանգման դեպքում **Վարձակալը** պարտավոր է վերադարձնել Ավտոմեքենայի բանալիների և փաստաթղթերի բնօրինակները:
- 3.9. Տեխնիկական անսարքություններ նկատելիս Վարորդն անմիջապես պարտավոր է այդ մասին տեղեկացնել **Վարձատուին**: Եթե Ավտոմեքենայի տեխնիկական անսարքությունը կամ նրա բաղկացուցիչ մասերի թերությունը/ կորուստը առաջացել է Վարորդի մեղքով, ապա նա ամբողջությամբ պարտավոր է փոխհատուցել ծագած վնասները: Եթե Ավտոմեքենայի շահագործման ընթացքում ոչ Վարորդի մեղքով առաջացել են տեխնիկական անսարքություններ կամ

թերություններ և Ավտոմեքենայի հետագա շահագործումը դարձել է վտանգավոր, ապա նա իրավունք ունի պահանջել փոխարինել վարձակալված Ավտոմեքենան համարժեք Ավտոմեքենայով:

3.10. Վթարի, ինչպես նաև Ավտոմեքենայի (կամ նրա բաղկացուցիչ մասերի) կորստի/գողության դեպքում **Վարորդը** պարտավոր է անհապաղ այդ մասին տեղյակ պահել **Վարձատուին** և Ոստիկանությանը, օժանդակել օրենքով սահմանված կարգով արձանագրություններ և պատշաճ տեղեկանքներ կազմելուն, ներկայացնել դրանք **Վարձատուին**:

3.11. **Վարձակալի** կամ **Վարորդի** կողմից երրորդ անձանց և նրանց զույքին պատճառված վնասի դեպքում վերջիններս **Վարձատուին** որևէ պահանջ ներկայացնելու իրավասություն չունեն և **Վարձատուին** որևէ պատասխանատվություն չի կարող կրել: Ապահովագրական ընկերությունը «Ավտոտրանսպորտային միջոցների օգտագործումից բխող պատասխանատվության պարտադիր ապահովագրության» պայմանագրով, «Ավտոկասկո ապահովագրության պայմանագրով» և «Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին» ՀՀ օրենքով սահմանված դեպքերում սուբրոգացիայի իրավունքը կարող է իրացնել բացառապես **Վարձակալի** կամ **Վարորդի** նկատմամբ:

3.12. **Վարձակալի** կամ **Վարորդի** գործողությունների (անգործության), Ապահովագրության պայմանագրի պայմանների խախտման դեպքում **Վարձատուին** որևէ պատասխանատվություն չի կրում և Ապահովագրական ընկերությունը չի կարող **Վարձատուից** պահանջել ապահովագրական հատուցման գումարի վերադարձ (սուբրոգացիա):

4.Վարձատուի պարտավորություններն ու հրավույնները

4.1. Վարձատուն պարտավորվում է պատվերը ստանալուց հետո առավելագույնը 2 օրվա ընթացքում կապ հաստատել **Պատվիրատուի** հետ, տեղեկացնել պատվերի իրականացման հնարավորությունների մասին եւ հավաստի տվյալներով պատասխանել **Պատվիրատուի** բոլոր հարցերին:

4.2. **Վարձատուին** պարտավորվում է համաձայնեցված ժամկետներում **Պատվիրատուին** տրամադրել **ամրագրված** Ավտոմեքենան: Եթե **ամրագրված** Ավտոմեքենան ունի տեխնիկական անսարքություններ, **Վարձատուին** պարտավորվում է **Պատվիրատուին** տրամադրել նույն խմբում գտնվող (նույն տեսակի և նույն կարգի) մեկ այլ Ավտոմեքենա՝ ոչ ավելի բարձր գնով, քան ամրագրված Ավտոմեքենայի գինն է:

4.3. Եթե վարձակալության օրը **Վարձատուին** հրաժարվում է **Պատվիրատուին** տրամադրել Ավտոմեքենա նախորդ պարբերությունում նշված կարգի համաձայն, ապա վճարում է նրան տուգանք **վարձակալության 1 օրվա արժեքի** չափով:

4.4. **Վարձատուին** որևէ պատասխանատվություն չի կրում վարձակալված Ավտոմեքենաներում կորած կամ անհետացած անձնական իրերի համար, ինչպես նաև վարձակալված Ավտոմեքենաների ուղևորների առողջական խնդիրների համար:

4.5. **Վարձատուին** պարտավորվում է վարձակալության պայմանագրի գործողության ընթացքում իրականացնել վարձակալված Ավտոմեքենայի այնպիսի տեխնիկական սպասարկումը, որոնց առաջացումը պայմանավորված չէ **Վարձակալի** մեղավորությամբ՝ բացառությամբ առաջին անհրաժեշտության սպասարկումից (պահեստային անիվի փոխարինում, դիմապակու մաքրման հեղուկի լիցքավորում, լուսարձակման լամպերի փոխարինում և այլն):

4.6. **Վարձատուին** պարտավորվում է խելամիտ ժամկետում՝ անհանգստություն չպատճառելով **Վարձակալին**, վերացնել վարձակալված Ավտոմեքենայի թերությունները կամ տրամադրել նույն խմբում գտնվող (նույն տեսակի և նույն կարգի) մեկ այլ Ավտոմեքենա, եթե վարձակալության պայմանագրի գործողության ընթացքում Ավտոմեքենան խափանվել է ոչ **Վարձակալի** մեղքով և նրա հետագա շահագործումը դարձել է վտանգավոր:

4.7. **Վարձատուին** պարտավորվում է **Վարձակալին** տրամադրել Ավտոմեքենայի շահագործման համար անհրաժեշտ բոլոր փաստաթղթերը:

4.8. Վարձակալության պայմանագրի որևէ կետի խախտման դեպքում **Վարձատուին** իրավունք ունի հետ վերցնել տրամադրված Ավտոմեքենան, միակողմանի լուծել պայմանագիրը և չվերադարձնել որևէ գումար նրան և պահանջել պատճառված վնասների լրիվ հատուցում: Այդ դեպքում **Վարձատուին** որևէ պատասխանատվություն չի կրում Ավտոմեքենայում թողած իրերի կորստի կամ վնասման համար:

5. Ավտոմեքենաների հանձնումն ու ընդունումը, շահագործման կարգը

5.1. Վարձակալված Ավտոմեքենաները թույլատրվում է շահագործել միայն Հայաստանի Հանրապետության և Լեռնային Ղարաբաղի տարածքում: Հատուկ թույլտվության դեպքում Ավտոմեքենաները կարելի է շահագործել նաև Վրաստանի Հանրապետությունում (նվազագույնը 2 օր ժամկետով), որի համար լրացուցիչ գանձվում է 10.000 դրամ: Նշված արժեքի մեջ ներառված է նաև Վրաստանի տարածքում ԱՊՊԱ ապահովագրությունը (կետեր 8.1 և 8.3): Վարձակալության հանձնվող Ավտոմեքենաները արտաքին գովազդ չունեն: Ավտոմեքենաների վազքը սահմանափակված չէ:

5.2. Վարձակալված Ավտոմեքենաների փաստաթղթերի ձևակերպումը, հանձնումն ու ընդունումը կատարվում է ինչպես գրասենյակում, այնպես էլ լրացուցիչ վճարի դեպքում **Պատվիրատուի** նախանշած ցանկացած այլ վայրում (այդ թվում՝ օդանավակայանում, երևանում և երևանից դուրս): Բոլոր դեպքերում **Պատվիրատուին** պարտավոր է նախօրոք համաձայնություն ձեռք բերել **Վարձատուից** Ավտոմեքենայի հանձնման և ընդունման վայրի վերաբերյալ:

5.3. Գրասենյակի աշխատանքային օրերն ու ժամերը՝

Երկուշաբթի – Շաբաթ՝ 09.00 – 19.00:

Կիրակի և տոն օրեր – ոչ աշխատանքային:

5.4. Գրասենյակում և Երևան քաղաքի կենտրոնում Ավտոմեքենայի հանձնումն ու ընդունումը կատարվում է առանց հավելվածարի:

5.5. Օդանավակայանում Ավտոմեքենայի ընդունում կամ հանձնում կատարելու դեպքում **Վարձակալը** վճարում է հավելյալ 9.000 դրամ:

5.6. Երևանում նախանշած հասցեում Ավտոմեքենայի ընդունում կամ հանձնում կատարելու դեպքում **Վարձակալը** վճարում է հավելյալ 5.000 դրամ:

5.7. Երևանից դուրս Ավտոմեքենայի ընդունում կամ հանձնում կատարելու դեպքում **Վարձակալը** կախված հեռավորությունից վճարում է հավելյալ գումար 500 դրամ՝ 1 կմ-ի համար:

5.8. Ոչ աշխատանքային օրերին կամ ժամերին Ավտոմեքենայի հանձնում կամ ընդունում կատարելու համար **Վարձակալը** վճարում է հավելյալ 4.000 դրամ:

5.9. Վարձակալվող Ավտոմեքենաները **Վարձակալին** տրամադրվում են պատշաճ վիճակում՝ տեխնիկապես անթերի, մաքուր և վառելիքի ամբողջական լիցքավորմամբ: Վարձակալված Ավտոմեքենաներում անվճար տրվում են հովանոց, քարտեզ, պահեստային անիվ, առաջին անհրաժեշտության գործիքներ, դեղատուփ և կրակմարիչ: Ձմեռային ամիսներին՝ Ավտոմեքենաները տրամադրվում են ձմեռային անվադողերով:

5.10. **Վարձակալը** պարտավոր է հետևել Ավտոմեքենայի շահագործման ընդունված կանոններին և Ավտոմեքենան լիցքավորել բարձրորակ վառելիքի տեսակով:

5.11. **Վարձակալը** պարտավոր է վերջնաժամկետին պատշաճ վիճակում հետ վերադարձնել Ավտոմեքենան, բոլոր փաստաթղթերը, լրացուցիչ սարքավորումներն ու պարագաները:

5.12. Ավտոմեքենաները **Վարձատուին** հետ վերադարձնելիս պետք է լինեն չվնասված, տեխնիկապես անթերի, մաքուր և վառելիքի ամբողջական լիցքավորմամբ: Եթե Ավտոմեքենայի տեխնիկական անսարքությունը կամ նրա բաղկացուցիչ մասերի թերությունը/կորուստը առաջացել է **Վարձակալի** մեղքով, ապա նա ամբողջությամբ պարտավոր է փոխհատուցել ծագած վնասները:

5.13. Ավտոմեքենան մաքուր վիճակում **Վարձատուին** չհանձնելու դեպքում գանձվում է 3.000 դրամ:

5.14. Ավտոմեքենան վառելիքի ամբողջական լիցքավորմամբ **Վարձատուին** չհանձնելու դեպքում գանձվում է 500 դրամ լիցքավորման ծառայության վճար՝ վառելիքի յուրաքանչյուր պակաս լիտրի դիմաց:

5.15. Ավտոմեքենայի հանձնման և ընդունման ժամանակ **Վարձակալը Վարձատուի** մասնագետի հետ գնում է Ավտոմեքենան և կազմում նրա վիճակի վերաբերյալ համապատասխան հանձնման-ընդունման ակտ, որը հանդիսանում է պայմանագրի անբաժանելի մաս: Ավտոմեքենայի վերաբերյալ ցանկացած թերություն արձանագրվում է հանձնմանը ներդրված ակտում: **Վարձակալը** մինչև Ավտոմեքենան վարձակալության ընդունելը պարտավոր է Ավտոմեքենայի անսարքություններ կամ որևէ այլ թերություններ հայտնաբերելու դեպքում այդ մասին տեղեկացնել **Վարձատուին** և համապատասխան նշում կատարել հանձնման-ընդունման ակտում: **Վարձակալը** Ավտոմեքենայի ընդունման ժամանակ նշված թերություններից բացի հետագայում հայտնաբերված որևէ այլ թերության մասին հայտարարություն անելու իրավունքից զրկվում է:

5.16. Հանձնման-ընդունման ակտը երկկողմանի հաստատմամբ պահպանվում է յուրաքանչյուր կողմի մոտ և հիմք է հանդիսանում Ավտոմեքենայի թերություններն ու վնասները գնելիս և գնահատելիս, ընդ որում **Վարձակալը** ընդունում է, որ **Վարձատուն** իրավունք ունի որոշել, թե ում մեղքով են առաջացել թերություններն ու վնասները: Եթե **Վարձակալը** հրաժարվում է ստորագրել հանձնման-ընդունման ակտը Ավտոմեքենան հանձնելիս, ապա **Վարձատուն** իրավունք ունի կազմել այն երկու վկաների ներկայությամբ և օգտագործել ըստ անհրաժեշտության:

5.17. Արգելվում է Ավտոմեքենաները շահագործելիս տեղափոխել հրակայուն բեռներ, պայթուցիկ նյութեր, մաքսանենգ ապրանքներ և օրենքով արգելված կամ վտանգավոր այլ բեռներ:

5.18. Արգելվում է Ավտոմեքենաներն օգտագործել մրցույթներում և շահագործել որպես քարշակ կամ որպես ուսումնական Ավտոմեքենա, տաքսի ծառայության և բեռնափոխադրման նպատակով:

5.19. Արգելվում է Ավտոմեքենաների ինքնուրույն տեխնիկական վերանորոգումը (բացառությամբ առաջին անհրաժեշտության սպասարկումից՝ պահեստային անիվի փոխարինում, դիմապակու մաքրման հեղուկի լիցքավորում, լուսարձակման լամպերի փոխարինում և այլն) և լրացուցիչ դետալների տեղադրումը:

6. Վարձակալության ժամկետներն ու գների հաշվարկը

6.1. Ավտոմեքենաների վարձակալության նվազագույն ժամկետը 1 օրն է: Վարձակալության առավելագույն ժամկետ չի սահմանվում: Վարձակալության սկզբնաժամկետը համարվում է Ավտոմեքենան տրամադրելու պահը, իսկ վերջնաժամկետը այն հետ վերադարձնելու պահը:

6.2. Որքան երկար է վարձակալության ժամկետը՝ այնքան ցածր է **վարձակալության 1 օրվա գինը**: Երկարաժամկետ պատվերների, ինչպես նաև մշտական հաճախորդների համար գործում են հատուկ գներ:

6.3. Եթե վարձակալության ժամկետը բացի լիարժեք օրերից ներառում է նաև հավելյալ ժամեր, ապա ամրագրման համակարգը հաշվարկը կատարվում է հետևյալ սանդղակի համաձայն.

- մինչև 3 հավելյալ ժամի համար հաշվարկվում է **վարձակալության 1 օրվա գնի** 25%-ը
- 3 – 6 հավելյալ ժամի համար հաշվարկվում է **վարձակալության 1 օրվա գնի** 50%-ի չափով
- 6-ից ավելի հավելյալ ժամի համար հաշվարկվում է **վարձակալության 1 օրվա գնի** 100%-ի չափով

6.4. Ավտոմեքենաների վարձակալության գները ներառում են դրանց տեխնիկական սպասարկման ծախսերը, բոլոր պետական հարկերը, ԱՊՊԱ և ԿԱՍԿՈ պապահովագրությունների արժեքները, կարմիր գծանշումներով ավտոկայանատեղիների տուրքերը, ինչպես նաև Ավտոմեքենայի փոխարինումը տեխնիկական սպասարկման ընթացքում:

6.5. Ավտոմեքենաների վարձակալության գները չեն ներառում վարորդի, վառելիքի, ավտուլվացման վճարները և ճանապարհատրանսպորտային խախտումների տուգանքները:

6.6. **Վարձակալից** բացի Ավտոմեքենան այլ **Վարորդների** կողմից վարելու իրավունքի տրամադրման համար գանձվում է օրեկան 2.000 դրամ՝ բայց ոչ ավելի քան 10.000 դրամ վարձակալության ողջ ժամկետի համար:

6.7. Վարձակալված Ավտոմեքենան վերջնաժամկետից շուտ հետ վերադարձնելու դեպքում կատարվում է վերահաշվարկ համաձայն փաստացի վարձակալված օրերի և դրան համապատասխան գնացուցակի, ընդ որում՝ անկախ հետ վերադարձման ժամից, այդ օրը և հաջորդ օրը հաշվարկվում են որպես լիարժեք վարձակալված օրեր: Վերահաշվարկի արդյունքում **Վարձակալին** հետ է վերադարձվում լրացուցիչ գումարն ամբողջությամբ, եթե վերջինս պայմանագրով սահմանված վերջնաժամկետից առնվազն 48 ժամ առաջ այդ մասին տեղյակ է պահել **Վարձատուին**, հակառակ դեպքում որևէ գումար հետ չի վերադարձվում:

6.8. Վարձակալության ժամկետը երկարաձգելու դեպքում անհրաժեշտ է նախօրոք տեղյակ պահել **Վարձատուին** և **Վարձատուի** կողմից համաձայնություն տալու դեպքում, կնքել համաձայնագիր երկարաձգման վերաբերյալ:

6.9. Վարձակալված Ավտոմեքենան պայմանագրով նախատեսված վերջնաժամկետից ուշ վերադարձնելու դեպքում, անկախ ուշացման պատճառներից, **Վարձակալը** վճարում է հավելավճար.

- Մինչև 3 ժամ ուշացնելու դեպքում՝ **վարձակալության 1 օրվա գնի** 50%-ի չափով
- 3 – 6 ժամ ուշացնելու դեպքում՝ **վարձակալության 1 օրվա գնի** 100%-ի չափով
- 6 ժամից ավելի ուշացնելու դեպքում՝ **վարձակալության 1 օրվա գնի** կրկնապատիկի չափով

6.10. Վարձակալված Ավտոմեքենան պայմանագրով նախատեսված վերջնաժամկետից 24 ժամ հետո չվերադարձնելու դեպքում **Վարձատու** կարող է դիտել դա որպես առևանգում և հետ վերցնել վարձակալված Ավտոմեքենան ցանկացած վայրից առանց **Վարձակալին** գզուշացնելու կամ դիմել Ոստիկանության՝ Ավտոմեքենան բերման ենթարկելու, **Վարձակալին** պատասխանատվության կանչելու պահանջով, ընդ որում այդ դեպքում Ավտոմեքենայում թողած իրերի պատասխանատվությունը կրում է **Վարձակալը**:

7. Վարձակալության ընդհանուր գումարը, գրավի գումարը և վճարումների կարգը

7.1. Վարձակալության ընդհանուր գումարը Ավտոմեքենայի վարձակալության և պատվիրված լրացուցիչ ծառայությունների արժեքների հանրագումարն է: Վարձակալության ընդհանուր գումարը վճարվում է պայմանագիրը ստորագրելու պահին: Եթե նախօրոք կատարվել է կանխավճար, ապա պայմանագիրը ստորագրելու պահին վճարվում է միայն վերջնավճարը:

7.2. **Վարձակալը** պարտավոր է վճարել լրացուցիչ ծախսերի ու տուգանքների համար, որոնք կհաշվարկվեն **Վարձատուի** կողմից Ավտոմեքենան հետ ընդունելու պահին՝ սահմանված գնացուցակի համաձայն: Այդ նպատակով **Վարձակալը** պայմանագիր ստորագրելու պահին պետք է ապահովի **Գրավի գումարի** առկայություն, որի միջոցով անհրաժեշտության դեպքում կծածկվեն վերոհիշյալ ծախսերը (դրանք ապահովագրության գումարներով չփոխհատուցվող կամ ապահովագրական պատահար չհամարվող ծախսերն են):

7.3. **Գրավի գումարը** կարելի է ապահովել բանկային քարտով կամ կանխիկ դրամն ի պահ հանձնելով: Բանկային քարտի պարագայում կատարվում է **Գրավի գումարի** չափով սառեցում քարտից, եթե **Վարձակալը** չունի «տուպեր ծածկույթ» (կետ 8.9), իսկ եթե **Վարձակալը** ձեռք է բերել «տուպեր ծածկույթ», ապա բավական է քարտից գումար գանձելու համաձայնություն:

7.4. Եթե վարձակալված Ավտոմեքենան պատշաճ վիճակում և ճիշտ ժամկետին հետ է վերադարձվում **Վարձատուին**, ապա **Գրավի գումարն** ամբողջությամբ հետ է տրվում **Վարձակալին**: Եթե առաջացել են լրացուցիչ ծախսեր, որոնք չեն գերազանցում **Գրավի գումարը**, ապա դրանք փոխհատուցվում են **Գրավի գումարի** հաշվին, իսկ մնացորդը հետ է տրվում **Վարձակալին**: Եթե լրացուցիչ ծախսերը գերազանցում են **Գրավի գումարը**, ապա որևէ գումար **Վարձակալին** հետ չի տրվում, և ավելին՝ նրանից գանձվում է նաև լրացուցիչ ծախսերի չփոխհատուցված մասը:

7.5. Բոլոր Ավտոմեքենաների համար **Գրավի գումարը** սահմանվում է 150.000 դրամ, բացի E կարգի, «Wagon» տեսակի Ավտոմեքենաներից, որոնց **Գրավի գումարը** 200.000 դրամ է:

7.6. Վճարումները կարելի է կատարել կանխիկ (ՀՀ դրամով) կամ բանկային փոխանցումով: Արտարժույթով վճարումների դեպքում հիմք են ընդունվում ՀՀ ԿԲ կողմից ներկայացված արտարժույթի փոխարժեքները, որոնք կարող են տարբերվել այս կայքում ներկայացվածից:

8. Ապահովագրությունը և պատասխանատվությունը մնասի / կորստի դեպքում

8.1. Վարձակալության տրամադրվող բոլոր Ավտոմեքենաները ապահովագրված են ԱԴՊԱ և ԿԱՍԿՈ պայմաններով ինչպես Հայաստանի Հանրապետության և Լեռնային Ղարաբաղի, այնպես էլ՝ Վրաստանի տարածքներում, և **Վարձակալը** կրում է ամբողջական պատասխանատվություն ապահովագրական ընկերության նկատմամբ: Վարձակալության պայմանագիր ստորագրելով **Վարձակալը** հաստատում է, որ ծանոթացել է և ընդունել է նաև ապահովագրության պայմանագրի դրույթները:

8.2. Վարձակալության հանձնված Ավտոմեքենային կամ երրորդ անձանց (նրանց գույքին, առողջությանը, ուղևորներին) պատճառված վնասը Ապահովագրական ընկերության կողմից չհատուցվելու դեպքում, երբ ապահովագրական հատուցման տրամադրման մերժումը պայմանավորված է **Վարձակալի** գործողություններով (անգործությամբ), այդ թվում ապահովագրության կանոնների խախտման կամ այնպիսի գործողությունների դեպքում, երբ պատճառված վնասը չի դիտարկվել ապահովագրական, ապա Ավտոմեքենային, երրորդ անձանց (նրանց գույքին, առողջությանը) պատճառված վնասը ենթակա է հատուցման **Վարձակալի** կողմից:

8.3. ԱԴՊԱ-ն ապահովագրվում է այն վնասները, որոնք առաջացել են տրանսպորտային միջոցի օգտագործումից մյուս՝ տուժող կողմին, պատճառված վնասներից և տուժողի գույքին պատճառված վնասներ: Երրորդ անձանց վնասները փոխհատուցվում են հետևյալ կերպ.

Հայաստանի Հանրապետության և Լեռնային Ղարաբաղի տարածքներում՝ անձնական վնասներ՝ տուժողի առողջությանը պատճառված վնասներ և դրանց հետքանքով կորցրած աշխատավարձ/եկամուտներ, ինչպես նաև՝ տուժողի մահ – մեկ ապահովագրական պատահարի համար 3.000.000 ՀՀ դրամ;

տուժողի գույքին պատճառված վնասներ – առավելագույնը 1.500.000 ՀՀ դրամ; Վրաստանի տարածքում՝ անձնական վնասներ՝ տուժողի առողջությանը պատճառված վնասներ և դրանց հետքանքով կորցրած աշխատավարձ/եկամուտներ, ինչպես նաև՝ տուժողի մահ և տուժողի գույքին պատճառված վնասներ՝ առավելագույնը 1.000.000 ՀՀ դրամ՝ մեկ ապահովագրական պատահարի համար:

8.4. Ապահովագրական ընկերության կողմից երրորդ անձանց պատճառված վնասներն ամբողջովին չհատուցելու կամ ընդհանրապես չհատուցելու դեպքում վնասների հատուցման պարտականություն կրում է բացառապես **Վարձակալը**: **Վարձատուին** Ավտոմեքենայի վարձակալության հանձնված ամբողջ ժամանակահատվածի համար **Վարձակալի** կողմից երրորդ անձանց պատճառված վնասների համար որևէ պատասխանատվություն չի կրում:

8.5. ԿԱՍԿՈ-ն ապահովագրում է վարձակալված Ավտոմեքենայի, վարորդի և նաև նրա ուղևորների անձնական վնասների փոխհատուցումը՝ ճանապարհատրանսպորտային պատահարների, հրդեհի, առևանգման և մյուս ապահովագրական պատահարների դեպքում՝ հետևյալ կերպ.

ուղևորների/վարորդի անձնական վնասներ՝ առավելագույնը 3.000.000 դրամ

Ավտոմեքենայի վնասներն ամբողջությամբ՝ համաձայն ապահովագրության պայմանների՝ բացառությամբ չփոխհատուցվող գումարը:

8.6. **Վարձակալը** պահպանելով վարձակալության պայմանագրի կետերը (այդ թվում ապահովագրության) էապես սահմանափակում է իր ֆինանսական պատասխանատվությունը, եթե դրանց մասին ժամանակին տեղյակ է պահել **Վարձատուին** (անհրաժեշտության դեպքում նաև Ոստիկանությանը):

8.7. Ցանկացած պատահարի, կորստի կամ վնասի դեպքում **Վարձակալը** պետք է ներկայացնի օրենքով սահմանված կարգով կազմված արձանագրություն, ինչպես նաև պատահարի մասնակից մյուս կողմերի կամ վկաների մասին բավարար տվյալներ: Ոչ մի հանգամանքներում **Վարձակալը** չպետք է ընդունի ցանկացած երրորդ անձնաց պահանջները:

8.8. Եթե **Վարձակալը** պահպանել է ճանապարհային երթևեկության կանոնները, վարձակալության պայմանագրի (այդ թվում ապահովագրության) դրույթները, ապա ապահովագրական պատահարի դեպքում նրա պատասխանատվությունը վարձակալված Ավտոմեքենայի և նրա ուղևորների նկատմամբ սահմանափակվում է **գրավի գումարով**, ընդ որում.

- Եթե ապահովագրական պատահարի մեղավոր կողմը **Վարձակալն** է (կամ մեղավոր կողմը բացակայում է), ապա **Վարձակալը** փոխհատուցում է առավելագույնը **գրավի գումարի** չափով;
- Եթե ապահովագրական պատահարը **Վարձակալի** մեղքով չէ և մեղավոր կողմը առկա է, ապա **գրավի գումարն** ամբողջությամբ հետ է վերադարձվում նրան:
- Ավտոմեքենայի բաղկացուցիչ մասերի կորստի, վնասվածքի կամ Ավտոմեքենայի առևանգման, հրդեհման դեպքերում **Վարձակալը** փոխհատուցում է առավելագույնը **գրավի գումարի** չափով;

8.9. **Վարձակալը** պայմանագիրը կնքելիս կարող է 8.8 կետում նշված պատասխանատվությունը փոխարինել "սուպեր ծածկույթ" հավելավճարով, որը վերադարձման ենթակա չէ որևէ պարագայում և լիովին ազատում է 8.8 կետում թվարկված փոխհատուցումներից: "Սուպեր ծածկույթը" վարձակալության յուրաքանչյուր օրվա համար կազմում է

- 8.000 դրամ / օրական՝ 1-2 օրվա դեպքում;
- 6.000 դրամ / օրական՝ 3-4 օրվա դեպքում,
- 5.000 դրամ / օրական՝ 5-7 օրվա դեպքում;
- 4.500 դրամ / օրական՝ 8 կամ ավելի օրերի դեպքում:

8.10. Եթե **Վարձակալը** չի պահպանել ճանապարհային երթևեկության կանոնները կամ վարձակալության պայմանագրի (այդ թվում ապահովագրության) որևէ դրույթ, ապա նա կրում է տեղի ունեցած պատահարի (վնաս, կորուստ, հրդեհ և այլն) ողջ պատասխանատվությունը և պարտավոր է փոխհատուցել թե՛ վարձակալված Ավտոմեքենայի և նրա ուղևորների, թե՛ **Վարձատուի** և թե՛ երրորդ անձանց գույքային և անձնական վնասներն ու կորուստները:

9. Լրացուցիչ ծառայություններ

9.1. Ավտոմեքենա վարձակալելիս կարող եք օգտվել նաև հետևյալ լրացուցիչ ծառայություններից՝

- Մանկական նստատեղ – 4.000 դրամ / 1 օրը: 5 կամ ավելի օրով վարձակալելիս՝ գանձվում է 20.000 դրամ՝ անկախ օրերի թվից;
- Նավիգացիոն համակարգ – 4.000 դրամ / 1 օրը: 5 կամ ավելի օրով վարձակալելիս՝ գանձվում է 20.000 դրամ՝ անկախ օրերի թվից;
- Վարորդի ծառայություն – 9.000 դրամ / 1 օրը;
- Շարժական Wi-Fi ինտերնետ – 990 դրամ / 1 օրը:

9.2. Այստեղ ներկայացված վարձակալության պայմաններն ու պարտավորությունները վերաբերվում են նաև լրացուցիչ ծառայություններին:

10. Անհաղթահարելի ուժի ազդեցություն

Կողմերն ազատվում են պատասխանատվությունից, եթե պարտավորությունները չեն կատարվել անհաղթահարելի ուժի ազդեցության հետեանքով (երկրաշարժ, ջրիեղել, պատերազմ, հաղորդակցական միջոցների աշխատանքի դադարեցում և այլն):